

遼陽縣志

戊辰夏
比頌

詩賦志卷三十七

嘗讀十五國風詩貞淫正變辭旨攸殊孔子刪詩顧並存之者蓋列國政俗之純駁類皆發之於詩此陳詩採風太史之職所由重也茲編所列各作有屬地屬人之別要皆以本邑爲限清康乾時代遼歸陽詩家載之熙朝雅頌集中州集及清詩別裁者不少概見厥後瑤峯崛起雅有中聲仙樵西岡齋咨應節後先百數十年雅音一變其亦時勢所趨歟述詩賦志第三十七三十八三十九

遼城望月

唐太宗

元菟月初明澄輝照遼靄映雲光暫隱隔樹光如綴魄滿桂枝圓輪虧鏡影缺臨城却影散帶暈重圍結駐蹕俯九都佇覩妖氛滅

晚登遼海亭

金高士談

登臨酒面灑清風竟日憑欄興未窮殘雪樓臺山向背夕陽城郭水西東客情到處身如寄別恨他時夢可通自歎不如華表鶴故鄉常在白雲中

曾公祠

明盧瓊

維帝御極柔遠能邇一夫不獲痾痺是似蠹茲遼人不戢自焚公憫冥頑任禍於身敷奏
祈宥脅從罔究帝曰兪哉銑拜稽首渠魁以殲衆威以祐保茲東土如翼如覆帝曰都哉
陟茲功懋銑拜稽首天子萬壽農不易業市不易肆以生以育惟公之賜維罔有柏維麓
有砥繩之鑿之維公之祠公惟信宿留公之似我其夙夜罔不敬止匪我思之子子孫孫
匪民私之既浹且淪匪公之惠惟帝之仁遼其奠安於萬斯春

由祖越過龍泉

明御史程啓充初亭

一徑何盤曲東西亦委蛇危巖嵌蘭若疲馬安能馳豈不憚峻險薄言恣探奇清泉濯長
纓聊與性命期雅有杯中物可以樂我私

千山溫泉

明翰林學士唐皋

本爲觀泉到非緣愛寺遊祇看珠湧躍那有芥塵浮鐘定香仍散僧依境更幽浴餘能愈
疾吾欲約吾儔

石罅源泉湧方池瑩欲流不緣陰火烈那得沸湯浮造化元相煽薰蒸豈自由吾方厭塵垢洗濯故勾留

前題

明副使郡人徐景嵩

萬世溫泉水百年幾度遊炎流從地發煖氣蹴天浮風過亭臺爽山環景致幽自憐多病客不是濯纓儔

釣魚臺

程啓充

高臺臨大道清溪水盈盈長竿懸直針聊以抒我情
水清無大魚徒勞費香餌數罟日漸密哀哉魴與鯉

同兵憲黃雨用諸公遊祖越寺留別

明苑馬寺卿張鰲

使節約山靈征鑣暫爾停龍宮開翠巘鳥道上青冥夜宿蓮花嶂朝看貝葉經酒醒啼鳥緩花雨滿禪庭

孤亭不忍別更上翠微間南海八千路東遼第一山杯前雲去處席下鳥飛還天遠無勞

問征鴻頻度關

羅漢洞

前人

拾級尋幽處苔沾屐齒香露華侵徑草朝旭上扶桑洞古蒼虬合鐙殘貝葉荒焚香一暝坐身意總相忘

秋夜宿千山祖越寺

明分守叅議張邦土

寺景逢秋霽鐘聲靜夕氛山青初斷雨壑暝半屯雲松裏千花塔碑間雙樹文懸泉尤可愛徹夜耳中聞

客興探幽境山容靄暮氛螺峯高並斗鶴樹直侵雲坐待松蘿月閒聽貝葉文乃知阿育教妙悟戒聲聞

過白塔寺

張鏊

白塔雄西寺黃金鑄佛身蓮花光日月貝葉歷周秦訪友勞投轄爲官愧積薪看君有高步早晚踏青雲

夜坐

明按御史周斯盛

尋幽知茂樹欲隱借重柯
覆卵憂時去爲巢徹土多
依人情不淺反哺意如何
羽翮行看健飄飄日暮過

高嶺

王之誥西石

連山青嶂合車馬亦能通
陟嶮疑登漢穿林乍蔽空
鳥鳴幽樹裏花雜亂榛中
隨處堪吟眺無勞歎轉蓬

閱邊至遼陽

巡撫都御史蘇志皋

海國風掀凍雪殘驚沙陵亂拂征鞍
馬毛如蝟鬚如戟誰信邊城猛士寒

遼衢行

巡按御史溫景葵

日照千門物色新雪消山郭靜
風塵閭閻處處聞簫鼓遼海城頭也有春

晾甲山

王之誥

英主當年定太平征遼曾此駐龍旌
咸陽宮闕幾朝代土俗猶傳晾甲名

登遼陽鎮遠樓

兵部郎中張 弼

步上高城更上樓憑欄一望思悠悠山如圖畫催吟興海作杯棬蕩醉眸箕子故封今異域管寧舊隱是何州遙聞胡馬時南牧未請長纓愧白頭

登望京樓有感

故城西南角樓名望京

巡按御史郭登庸

雨洗沙場殺氣收天涯秋暮獨登樓一方煙井聞雞犬百里晴郊散馬牛斷隴黃雲依古戍孤城斜日射寒流滄溟寂寞魚龍伏回首西南望帝州

和韻

給事中薛廷寵

遼陽亦是先王地落日孤城獨倚樓南望青齊隔滄海北看豺獸遁沙丘珠簾繡柱秋堪眺宿霧殘雲晚未收回首蓬萊雙闕迥使槎何事尙淹留

又

監察御史朱 箴

望窮京國二千里步上邊城百尺樓鬢鬢蒼煙橫朔漠荒荒敗葉下林丘金蘭契誼應難並玉燭勳名早見收把酒憑欄無限思不緣歌管故淹留

又

巡按御史 史褒善

漫俯晴郊物色幽風塵荏苒共登樓雲開繡幙碧連海花映朱甍翠倚丘天畔客杯逸興
遠沙頭樵唱晚霞收憑危極目燕山裏潦倒邊城尙滯留

華表柱 舊在都司城內

巡按御史 楊行中

千年華表名虛在終古神仙事杳茫獨柱已非當日石斷碑空亂後人腸遠山青抹胡天
碧蔓草光鋪野日黃鶴去不來惟鳥語故鄉故郭尙遼陽

遼陽考試漫成

巡按御史 劉 詒

遼海東風散曉寒杏花光豔滿毫端欣逢士集開方盛怕報春歸落未殘香入布袍偏繾
綣影隨松蓋共團圞公餘忽憶當年事十里紅霞送目寬

平川喬道長邀登千山寓宿

明翰林侍讀 華 察

三月煙花雨後新韶光偏動宦遊人青驄遠踏千山雪綠柳先回萬壑春東海無波初見
月西臺有主慣留賓夜深忽憶鑾輿遠指點星河望北辰

遊千山祖越寺

徐文華

東巖

堂隍迴合水潺湲路轉坡陀百折還上界鐘聲霄漢杳前山塔影夕陽間松濤漲壑千巖響花雨浮空滿地斑坐久虛堂疑誤入恍然身世出人寰

又

程啓充

初亭

佛閣高樓縹緲中此身應已在虛空天花亂落輕雲濕貝葉時翻細雨濛萬劫混茫眞幻寂千峯回合失西東憑欄俯瞰塵寰杳更借金鑱刮眼矇

又

明前給事中劉

琦

北郭

路入千山小徑斜林丘窈窕轉周遮巖松宿霧常浮翠石澗流泉漾落花遠近峯嵐飛翠嶺高低臺殿隱谿谿共來不倦登臨興闋寂眞堪謝世譁

次東巖韻

薛廷寵

萬壑雷鳴水勢湲千山落日鳥飛還勝遊况值秋重九高枕應分雲半閑月色空濛當戶白雨痕剝落染碑斑冲霄樓閣傳鐘鼓已覺塵蹤遠世寰

次北郭韻

朱 簾

路轉峯迴石磴斜，禪關長是白雲遮。
月華祇道霜天晚，秋葉翻疑上苑花。
山引樓臺連碧落，風傳鐘磬出欽訶。
野禽亦解聽經呪，羣集檐松靜不譁。

次初亭韻

史褒善

山川迤邐畫圖中，翠洗塵埃浩劫空。
風弄秋聲飛葉度，雨收殘照落雲浮。
生自識難違性，客路無妨轉作東。
眼底物情隨意足，謾將旅泊厭紛囂。

九日遊千山

朱 簾

冉冉旌麾郭外行，萬山秋色雨餘清。
疎林落木年光晚，絕塞新寒雁陣驚。
異域幾人同勝覽，天風爲我拂塵纓。
白雲深處鐘聲動，知是山僧道左迎。

羅漢洞

在千山祖越寺

薛廷寵

羅漢洞天一徑通，煙叢林杪放行踪。
海螺捧出雲千疊，錫杖飛來閣幾重。
石澗長鳴雲雨落，香風不動法門空。
逢萊未必能勝此，縹緲笙歌繞梵宮。

登千山寺

巡按御史李

輔近台

曲磴夤緣轉翠微，捫蘿攀樹叩禪扉。
空巖積霧籠諸佛，高閣浮雲俯落暉。
石壁半餘蒼頡字，山僧閑擁白雲衣。
行人歲月風塵度，來向丹丘問息機。
遠山紅日靄霏微，鐘鼓新晴啓曙扉。
風裊篆煙清曉夢，露凝瑤草待春暉。
羽旗捲霧催行色，畫戟飛霜照客衣。
高臥何如僧入定，一簾松影了禪機。

秋夜宿千山祖越寺

張邦土

萬木蒼蒼一徑秋，行人迂駕獨巡遊。
峯嵐佳處得禪境，松檜叢中忽梵樓。
亂石雨餘泉溜響，空山日落磬音幽。
誰知巖穴平生癖，今夕煙霞一暫留。
千山宿雨霽新收，孤客積懷慰壯遊。
篆壁煙消披古籀，簷鈴風細語危樓。
晴花照水春如在，涼月浮空夜更幽。
爲問萬松蒼翠裏，幾人曾被白雲留。

羅陀洞

即城東羅祖洞

吳希孟

懸崖萬仞通一路，洞門深鎖青雲樹。
石髓何年結水蓮，巖齒當空滴翠露。
野僧穿穴臥蒼

苔仙客攀林衝冷霧登眺恍然升半天亂散漁舟橫古渡

登羅陀洞

黃襄

石壑丹霞迥世紛山腰鶴跡出人羣曉來先得半竿日夜靜偏眠一榻雲滿徑苔痕浴磴滑數聲僧語隔天聞何時解却黃金印獨乘山車演法文
洞口薜蘿覆徑幽諸天隔世遠悠悠半間佛寺石中起數點天花雲外收月靜偏看塵界海風吹不斷上方秋更憐雙樹無家客忘却形骸頗自由

望京傑構

以下遼陽八景詩不佳姑存之

郡監生韓承訓

身在江湖心在廟登樓見日動長謠杖藜歎世惡長苦授簡題詩興亦遙畫棟珠簾江渚映城高徑仄旒旌搖憑高欲上呼閭闔遼水東西盡寂寥

廣祐雄圖

西北禪林出郭偏當階寶塔對金仙頂蘆月上光同照層鐸鐘虛韻獨傳立地却愁鼇背負凌霄應礙鳥飛還轉輪還是推來易誰與蒼生結善緣

太水環帶

燕丹昔日避秦兵，衍水今傳太子名。
渠口遠從千澗出，邊頭近倚一川平。
斯干自入維熊頌，如帶應同白馬盟。
向晚渡前爭利涉，隔林煙雨棹歌行。

千山列屏

昔人見千山有五
色氣云宜出狀元

層疊千山五寺藏，石門南面儼成行。
銀屏冬去雪山關，錦帳春回金谷長。
嵐暗虎龍深隱伏，氣蒸雲雨結微茫。
無人拈出生花筆，辜負當年五色祥。

香巖佛夢

香巖高聳映中峯，左右坡陀建寺重。
火宅無期僧自定，鐙朝有夢佛留蹤。
笙簧松遠飛巢鶴，雲霧潭深睡伏龍。
始悟無生原不染，頓令心地欲相從。

華表仙因

丁令千年已化仙，歸來軼事古今傳。
泠泠仙語人民後，憂憂鶴鳴城郭先。
石磴長苔青潤露，丹鑪絕火紫銷煙。
秦皇漢武俱成誑，韶舞岐鳴鳳可甄。

首峯泉瀑

城古名襄平舊遼陽在邊外

首山地抱自逶迤遠望昂頭似建旗臺號青霄來不定泉飛白水去如斯因知魏將連營處並憶唐王駐蹕時惟有城名今異昔中原棄地使人疑

陀洞懸珠

在今太河寺

佛洞高深景物殊洞簷平湧石如珠只將金篋開蒙眼更揭尼珠照昧途在石恐隨雷雨動懸巖端與月星符登臨身在浮雲外爲取瑤華詠步虛

過褒功祠

祠祀總兵韓斌

明戶科給事中周金

宣室元勳舊列名功高河北受降城玉門不困將軍壘金甲空閒契利盟天子拊髀廊廟計鄉關血食子孫榮英風蕭颯遼陽道隴樹蒼蒼暮靄生

過代子河

王之誥

代子津頭泛野航澄波滉漾見晴光沙邊浴鷺矜毛羽天外冥鴻厭稻粱斥堠遠傳清塞鐸橈丁新架捕魚梁桐江兩岸秋容勝爭得逃名隱釣鄉

嘉靖甲子天子從羣議命將擁兵險山以讐服東虜明年秋八月余按部至此以立
威之始故三致意焉

李輔

帝顧東陲烽火頻九重分闕下絲綸秦關夜勿留笳奏魏闕秋看屬鴈臣霜曉轅門吹畫
角天寒斗氣動青燐扶桑詔許標銅柱

時除撲誘之
禁令得窮追

莫遣天驕返隻輪

會飲西石中丞王公

李輔

百尺危樓府大荒征衣吹動朔風涼石虬驤首侵霄漢鐵鳳飛翬挂夕陽萬疊遠山開眼
界一川流水自文章劇談況喜逢仙客銀燭金尊夜未央
他年願識荊州面今日相逢遼水東勲業濟時千古事迂疏道學半生空山銜落照拖秋
色樓倚高雲送晚風更約憑虛凌宇宙壯懷不減酒杯中

劉總戎春日園亭燕集

張邦土

元戎別業倚城隈乘興尋春客易來錦瑟欲依松籟度綺席却借石牀開深紅乍潤藥欄
雨嫩碧初伏草徑埃向夕風光猶可戀花香月色徧亭臺

劉琨坐嘯掩茅衡細柳沈沈尙合營授法曾逢黃石老辭榮還比邵侯平園亭已自如仙境華表何須更鶴聲春圃花紅春酒綠羨君終日醉流鶯

聞警

周斯盛

晴沙落水痕胡馬不沒腹長驅窺塞垣呼雞鳴箕箒邊烽一縷傳三軍夜戎服上馬擁雕戈直擣陰山谷一合勢已披再戰如流沱驚沙電羽旗西風雨寒鏃牙鼓寧凱聲但聽秋原哭奧草宿郊垌頻年空杼軸糾察誠殷勤益重逃亡屋嗟彼登壇人豈不念推轂舉足失深谿桑榆難再逐犬羊日以驕燎原須早撲愁雲亂荻笳萬里虛修築雲中上首功瑣瑣奉公牘雁門日椎牛千金奚頻顧雄略睹猶在志機不盈掬拊髀當明時請纓非碌碌誓堅銅柱心飛食玉門肉幕南絕王庭麟閣千年肅

輓遼東楊將軍照

明兵部尙書楊博

夜半將軍出陰風滿路隅刺心期報國瀝血果平胡遼海濤聲慘閭山景色孤泉臺何日起聊爲致生芻

百戰稱雄畧胡中
早著名將星何事隕天意
杳難明獨抱三韓節
誰當萬里城
樞垣東望處不覺淚沾纓

遼陽歌十首

張鑒

胡塵靜掃古營州
遼水謳歌億萬秋
紫極西懸雙日月
淩雲高起望京樓

城西南角

帝掃妖氛紫塞清
龍江渤海洗天兵
橐駝北走奇雲散
鐵鳳城春萬柳生

樓曰望京
遼王阿保機改

龍虎軍中大將壇
千峰如戟出雲端
春來帳外看山色
萬斛空青白日寒

遼陽爲鐵鳳城

首山西望鬱崔嵬
黃屋當年駐蹕臺
爲報昭陵雲樹道
朝宗春水鴨江來

萬山獵火嘯烏桓
日日呼盟血未乾
黃髮小兒同涕淚
何時飛將斬樓蘭

寶婺西沈王母池
白雲應有赤松師
何人更踏金鼇背
海客空題石上詩

遼陽春似洛陽春
紫陌花飛不見塵
莫惜萬金拚一笑
幾回裘馬換新人

戰罷長休十萬兵
平原座客滿朱纓
恩深寒夜春如海
明月歌鐘到五更

挾彈呼鷹並玉鞍
芙蓉寶劍醉中看
寸心白日論知己
愁聽高歌易水寒